

I KUVUBA MUYANGO WA SINKONDO KWAMANA SUKUSYO



Ncibotu kuti. . . Nywebo mulizi, Ndi jisi muzeezo muniini, mbuli, kubona bantu kwiimikila cindi no tubala Ijwi. Sa ta muciyandi eco? Tu laimikila ku syomezya busyomesi, tu la iminina cisi cesu, nkaambonzi ta twiimikili ku Ijwi eno?

² Ciindi no twiimvwi kwa kaindi kaniini. Nda kali kubala caano, kutali ciindi cilamfu cainda, alimwi Nda li kuyeeya masiku ainda kwa bantu aabo ba kaiminina Kristo. I kuti na tona cicita, sa inga to cicita sunu?

³ Kwakali i muvangeli mupati, kutandila myaka iili makumi aali ciloba-aosanwe yayinda, Ta ndi konzyi buyo kuyeeya zina lyakwe. Ndi yeeya kuti wakali Arthur McCoy, alimwi waka zabukide nyika. Alimwi busiku bumwi wa ka ba a ciloto kuti waka unkide ku Bulemu. Alimwi wa kaamba kuti wa katanta kuya ku Mulyango, alimwi wa kaamba kuti tee baka muzumizya kunjila. Alimwi kaamba wakaamba, “Ndime Arthur McCoy uzwa ku United States. Ndili i muvangeli.”

⁴ Aboobo sikulanga mulyango wa ka njila, (eno eci cakali ciloto), alimwi wa ka njila, wa kati, “Ta ndi konzyi ku jana zina lyako pe.”

Wa kati, “Ma, Nda kali muvangeli.”

Wa kati, “Munene, Nda. . .”

⁵ Wa kati, “Ma, sena kuli cindi kuya kuti. . .Kuli cintu cimwi cilubide.”

⁶ Wa kati, “Peepe, munene. Ndi jisi i Bbuku awa. Ta ndi konzyi ku jana zina lyako.”

Alimwi wa kati, “Ma, sa inga Nda cita kufumbwa cintu kujatikizya ncico?”

⁷ Wa kati, “Yebo inga wa tola kaambo kako ku Lubeta lwa Cuunocabwami Cituba.” Leza, gwasya. Ta ndi yandi kuba kokuya.

⁸ Wa kati, “Ma, ikuti obo mbo bulangizi bwangu buyo, Ndi yeeya kuti Njo tola buyo kaambo kangu mpawo.”

⁹ Wa kati mpawo wa ka yeeya kuti wa keenda kuzwa mu nzila, a buyo. . .Alimwi mbuli mbwa talika, wa kati wakali mudima, alimwi kwaka balama a ku balama, alimwi wakati cakali bonya mbuli kuti tii kwa kali busena bumwi Mumuni

oyu mpo wa kaima, pele wa kali mponya mukati ka Nguwo. Alimwi kati Wa kati, “Nguni uuswenena ku Cuunocabwami Cangu ca Lubeta?”

¹⁰ Wa kati, “Ndime Arthur McCoy. Ndime i muvangeli, nda ka tuma bantu banji mu Bwami.”

Wa kati, “Sena i zina lyako lya ka janika mu Bbuku?”

“Peepe.”

Kati, “Nkokuti yebo watola ku Nkuta Yangu?”

“Iyi, munene.”

¹¹ “Yebo uyo tambula ku luleme. Nda kubeteka yebo ku milao Yangu. Arthur McCoy, yebo waka sola na kwaamba bubeji?”

¹² Wa kati, “Nda li ku yeeya kuti Nda kali muntu mubotu maningi kusikila Nda kaima mu Mumuni oyo.” Wa kati, “Pele mu Busyu bwa Mumuni oyo, Nda kali sizibi.” Tu yooba obo toonse. Yebo inga wa limvwa ku kwabililwa ino, pele li ndila kusikila yebo uboole Kuya. Mbobuti yebo mbo yeeya mbo cilimvwa ano cindi Na limu kunanika? Mbo buniini buti yebo mbo konzuya kumvwa! Ino ciyooba buti oko ku Lubeta lwa Cuunocabwami Cituba?

Wa kati, “Sena wa kasola kwaamba bubeji?”

¹³ Wa kati, “Nda kali ku yeeya kuti Nda kali kusyomeka, pele tuntu tumwi tuniini oto ntu Nda kayeeya kuti bwa kali bubeji bu libonya, bwa kaba bupati a busiya Kuya.”

Wa kati, “Iyi, munene, Nda kaamba bubeji.”

Wa kati, “Sa waka sola kubba?”

¹⁴ Wa kati, “Nda kali ku yeeya kuti Nda kali uusyomeka kujatikizya ncico, a ku tana bba, pele wakati, mu Busyu bwa Mumuni oyo, Nda—Nda ka yibaluka kuti kwa kali milimo imwi eyo Nje nda kakwela, eyo yata kali kabotu buyo.”

Wa kati, “Iyi, munene, Nda kabba.”

Wa kati, “Lubeta lwangu. . .”

¹⁵ Alimwi wa kali afwaafwi buyo kuli bambila kumvwa kukosolwa kwa kaambo kakwe, “Ko njila mu mulilo wa lyoonse oyo waka bambilwa dyabolosi a baangelo bakwe,” wa kati cifuwa coonse cakali kwaandana.

¹⁶ Kati, “Nda kamvwa jwi bbotu loko nde Nda kamvwa mu buumi bwangu.” Wa kati, “Cindi ni Nda kacebuka kulanga, Nda kabona busyu bubotu loko mbo Nda kabona; bubotu loko kwiinda busyu bwa mutumbu, jwi bbotu kwiinda baama ndo ba kandiita.” Kati, “Nda kalanga koonse. Nda kamvwa i jwi, kati, ‘Taata, obo ngo bwini, wa kaamba bubeji alimwi tana kali kusyomeka buyo. Pele, ansi aa nyika wa ka ndiiminina Mebo,’ kati, ‘ino Njo ima mu busena bwakwe.’”

17 Eeco nce Ndi yanda ku citika Kuya. Ndi yanda ku Mwi minina ino, kuti, elyo ciindi eco ca boola, Wa kaima mu busena bwangu.

18 Atu bale kuzwa ku Matalikilo 22; ika 15, ika 16, ika 17, alimwi ika 18 tumpango.

Elyo angelo wa MWAMI wako ongolola kuli Abrahamu kuzwa ku julu ciindi cabili.

Elyo wakati, Nda konkezya mu zina lyangu Nde mwini, mbwaamba i MWAMI, kwalo nkaambo yebo wa cita cintu eci, alimwi yebo tee wakasya mwana wako, mwana wako simuzyalwalikke:

Kuti mu kukupa coolwe Njo ku leleka yebo, . . . a kuvuzizya Njo vuzya lunyungu lwako mbuli nyenyeezi zya ku julu, alimwi mbuli musee oyo uli kumbali lya nkomwe ya lwizi; alimwi lunyungu lwako lu yoovuba mulyango wa sinkondo nyina;

Elyo mu lunyungu lwako zisi zyoonse zya nyika moziyo jana coolwe; nkaambo yebo waswiilila i jwi lyangu.

A tu kombe.

19 Taata Uulikujulu, ko bweza cibalo ino, Mwami, aku kutauka kuli ndiswe. Nda lomba i Muuya Uusalala ubweze Majwi, Mwami, nkonya ku moyo oonse. Eeco ciyo kkwanya bulangizi bwesu masikati aya, nkambo mbu pati, Mwami. Alimwi Wa ka twaambila kuti tulombe kunji, kuteeti inga kukondwa kwesu kuzulile. Twa cilomba mu Zina lya Jesu. Amenii.

Inga nywebo mwakkala.

20 Ikuti na inga Nda yiita cibalo eci, kwa ciindi cisyoono. I jwi lyangu lili kompeme, aboobo ako nke kaambo nce Nda ima kungsi a maikkrofooni. Ndi lizi kuli kujokoloka kwa jwi, pele tu la cilekela asyoono. Ndi yanda ku ciita kuti: *I Kuvuba Mulyango Wa Sinkondo Kwamana Sukusyo.*

21 Cicitikilo cesu ca jula aali cimwi ca zicitikilo zigambya kapati muli Abrahamu. Nywebo mulizi kuti Abrahamu ngu taata wa basyomeka. Alimwi cisyomezyo caka bambwa kuli Abrahamu. Alimwi buyo kuba baswaana a nguwe, kwiinda muli Kristo, nje nzila luzutu njo tu tambula cisyomezyo, nkwiinda muli Abrahamu. Lino, Abrahamu wa kali muntu buyo sibuleya, pele wa ka yitwa kwa Leza alimwi wakali kusyomeka ku kwiitwa oko. Cindi Leza na kaamba kuli nguwe, Abrahamu kwiina ciindi comwe na zumbauzya Jwi elyo. Wa kakkala mpawo a ndilyo. Tacikwe makani elyo penzi mbo lya kabede, wa kakkala mpawo a ndilyo.

22 Alimwi mpawo wa ka syomezegwa mwana. Alimwi wa ka lindila kwa myaka ili makumi obile-ayosanwe kuti atambule mwana oyo, kayiita kufumwa cintu ciimpene kuli ncico mbuli

kuti tii cakaliko. Alimwi mpawo, a mu mwana oyu, mikowa yoonse ya nyika moya keelede ku jana coolwe. Alimwi sikale wa kasyomeka ku kwiitwa kwakwe a Ijwi lya ka syomezegwa.

²³ Wa kali mukozyanyo kuli obo mbo tweelede kuba. Lino swebo, mbotu fwide muli Kristo, tuli Lunyungu lwa Abrahamu.

²⁴ Lino, kwa kali lunyungu lobile lwa Abrahamu. Lumwi lwa mbabo lwakali lunyungu lwabuntunsi; a lumbi lumwi lwakali Lunyungu lwakumuuya. Lumwi lwa mbabo lwakali lwabuntunsi, kwinda kunyama yakwe; lumwi lumbi lwa kali Lunyungu lwa lusyomo lwakwe, i lusyomo, kuti a swebo tu konzye kuba Lunyungu lwa Abrahamu kwiinda mu Ijwi lya ka syomezegwa.

²⁵ Alimwi lino naaka mana kusunkwa kwa myaka iili makumi obilo-ayosanwe milamfwu, alimwi, mu busena bwa kuya bukompama, wa kaba muyumu loko. Mwabona, ikuti na tii caka citika mu mwaka mutanzi, mwaka uucilila inga a yooba maleela mapati, nkaambo cakali myaka yobile ya kukomena. Alimwi wa kalundika myaka eyo, mbuli mbwa kali buya bukomena, a luzyalilo lwakwe lwa kamana. I mazyalilo aa Sarah, iluzyalilo, na tii (kajisi) lya kali aa munzuka. Alimwi aboobo nguzu zyakwe zyakali manide, alimwi kwa kali . . . Nci yumu kumaninina.

²⁶ Sena mwa ka sola ku yeeya eco Leza nca kacita kuya? Mwabona, taakwe Na kacita kunji mbuli mbwa ka bamba zyalilo lyakwe kuti libe a munzuka. Nkaambo, amuyeeye, ikuti Na kacita eco, mpawo amuyeeye ikuti Na kacita eco. . . tii bakajisi nsana zili boobo azyama bbodela abambidwe kabotu asalala, mazuba ayo, ikupa muvwanda, i mukupa kuzwa ku ng'ombe. Mwabona? Wa keelede akwalo ku. . . Insinga zya mukupa zyakwe zyakali yumininide. Aboobo Ta—Ta tana kali kukonzya kuba. . . Kwa ka leelede kuba cintu cimwi ku citika.

²⁷ Mpawo, amulange aa mwanakazi, a myaka iili mwaanda ya kukomena, kuti anjile muku tumbuka. I moyo wakwe niwata ka cikonzya. Ncintu ciyumu lino ku mwanakazi, myaka iili makumi one ya kukomena, kucicita. Moyo wakwe niwa taka cikonzya. Aboobo nywebo mulizi eco Ncakacita? Ikuti na mwa langisya. . .

²⁸ Lino Ndili zyi banji inga tii bazumina. Ikuti na eci cili kabotu i kubamba kaambo aaka? Mwabona, Ndi. . . Inga caba buyo ku yeeya kwangu ndemwini.

²⁹ Mwabona, Bbaibbele ndi Bbuku lya cigambyo ciinda. Lili lembedwe kutegwa lisiswe kuzwa ku zikolo, basilwiiyo ba bukombi. Mbangaye bazi eco? Jesu wa kalumba Leza. Wa kati, “Nda kulumba Yebo, Taata, Webo wa Cisisa kuzwa ku basongo a basimaano, elyo wa Ci yubununa ku bana mbuli ba konzya kwiiya.” Ndi Bbuku lya luyando. Ciindi luyando lwa Leza ilwa boola mu moyo, elyo ulaba muku zuminana a Leza, elyo Ula

liyubununa Lwakwe, Bbaibbelenci lyaamba. I bupanduluzi bwa Bbaibbele ngu Leza Lwakwe kapandulula zisyomezyo Zyakwe. Pele, i Bbaibbele, Lili lembedwe akati ka mizila.

³⁰ Lino, mbuli mukaintu wangu, oh, ngu mwanakazi mubotu loko munyika yoonse, alimwi Nda muyanda ncobeni. Ula ndi yanda. Aboobo ciindi Nda ta nooliko ku ng'anda, ula ndi lembela lugwalo, kwaamba, "Oyandwa Bill, masiku ano Nda zwaa a kulazika bana. Nda sanzya sunu, alimwi eco coonse nca cita, a zimwi zimbi." Lino uli mu kwaamba eco mu lugwalo. Pele, nywebo mwabona, Nda mu yanda loko, alimwi tuli loko kuba omwe, kusikila Nda—Nda konzya kubala akati ka mizila. Ndi lizi eco nca yanda kwaamba, mwabona, na kuti wa ndaambila eco na pe, mwabona. Ndi—Ndi lizi eco ncaamba, nkaambo ngo luyando lwangu kuli nguwe, a kumvwisya kwangu.

³¹ Ma, eyo nje nzila i Bbaibbele mboli lembedwe. Mwabona? I—i busicikolo buyo inda atala ali ncico; taba kakonzyi ku cimvwa. Mwabona, uleelede kuba mu luyando a Ijwi, Walo, "iku Mu ziba." Mwabona?

³² Lino, lino mukati awa, mulange eco Nca kacita. Lino Abrahamu a Sarah boonse bakali cembeede, "kucembaala-loko," i Bbaibbele lya kaamba. Lino tii cakali buyo kuti nkaambo ba kali bantu buyo ba kaponi ciindi cilamfu kuya. I Bbaibbele lya kaamba kuti, "Ba kali cembeede-loko mu kukomena."

³³ Lino amubone, nikwaka mana buyo ku libonya kwa Angelo oyo, ngo twali kukanana; oyo wa kali Elohimu, Leza. Alimwi Wa kaamba, wa kaambila Abrahamu, "Njo kuswaya mbubonya mbuli ku ciindi ca buumi." Lino amulange koonse mu mwaakwe wa ciindi, ba kali ciiminizyo ca Mbungano, mu nzila yoonse ya ciindi.

³⁴ Lino mulange. Nceeci eco ca ka citika. Lino, Tana kagambika buyo Sarah, a kugambika Abrahamu. Wa ka basandula kuba mwaalumi alimwi a mwanakazi mukubusyi. Lino eco ndiza inga caboneka bweenzu, pele eno amulange ku Ijwi limwi, akuli bika antoomwe. I Ijwi lili nanikidwe, alimwi yebo weelede kunanikwa a Ijwi. Lino, muyeeye, nikwaka mana buyo eco, nikwaka mana buyo ku libonya kwa Angelo oyo . . .

³⁵ Inga nda bona buyo eco, i masusu ayo aamvwi aa Sarah, baneene baniini a shawelo atala aa ciwezo cakwe, alimwi akahete kaniini ka lusuko, kajisi musako, kaya buya koonse. "Mebo, kuba acoolwe a mwami wangu, alimwi walo ka cembeede, awalo?" Mwabona? Alimwi awa wakali Abrahamu, cilezu eci cilamfu, ka jisi ku musako, mbuli mbwa kabede, kucembaala-loko mu myaka ya kukomena.

³⁶ Alimwi Nda bona, kuseeni kucilila, ziwezo zyakwe zyaka talika koololoka mu julu, intunda ya kazwa ku mu sana wakwe. Masusu aakwe akatalika kucinca. Ba ka jokela i

kuba mwaalumi a mwanakazi mukubusyi. Kutondeezya buyo eco Nca yocita ku Lunyungu ilwa Bwami lwa Abrahamu, mwabona, ciindi twa “cincwa mu kaindi kaniini, mu kulaba kwa liso, a kuya kukwempwa antoomwe.”

³⁷ Amulange eco caka citika. Lino anditondezeye eci kuli ndinywe. Lino baka bweza lweendo kuzwa ku busena obo nko ba kabede, kuya ku Gomora; a kweenda nzila yoonse kusika ku Gerari, kunselelo mu nyika ya Bafilisiti. Sena mwa kabona? Amuceenge aa maapu, mbulamfu buti mbocibede. Musinzo ukubwene ku bantu bakwetene ba myaka ya kukomena eyo.

³⁸ Alimwi mpawo, kunze lya eco, mu—mu nyika ya Bafilisiti kuya, kwa kali mwami mukubusyi uula zina lya Ameleki, elyo wakali kuyandaula mukaintu wa kukwata. Alimwi wa kali jisi boonse abo basimbi beebeka Bafilisiti, pele ciindi naka bona baneene, wakati, “Uu leebeka ku mu langa,” nkabela waka muyanda alimwi wakayanda ku mukwata. Eco cili kabotu. Uh-huh. Mwabona, wa kali kweebeka. Mwabona?

³⁹ Wa kali cincidwe kuba mukaintu mukubusyi. Amuzibe, wa ka leelede kuba, kuti alete mwana oyo. Leza waka mubamba cilenge cipya. Alimwi wa ka leelede, ikukomezya mwana oyu. Alimwi amuyeeye, Abrahamu, “mubili wakwe wakali buyo ufwide,” alimwi Sarah wakafwa ciindi Abrahamu nakali... Izaka wakali myaka makkumi one-ayosanwe ya kukomena, Nda syoma, ciindi Sarah nakafwa. Alimwi Abrahamu wa kakwata mukaintu umbi alimwi wakali jisi bana balombe bali ciloba kunze lya bana basimbi, nikwaka mana eco. Ha-ha! Amen.

⁴⁰ Mwabona, amubale akati ka mizila. Ngo ciiminizyo. Citondeezya kuya eco Nca yo cita kuli boonse Bana ba Abrahamu. Tuli mu kuswena buyo kuli ncico ndyonya eno, aboobo ziwezo zyesu zya ka diimana a zintu zyoonse tazi bambi lwaandano noluceya, beenzuma. Alimwi masusu esu ali aamvwi alimwi kufumbwa cintu mbo cibede, tacikwe makani eno. Ta tu langi musule. Atu lange kumbele kuli eco nco tuboola kuba.

⁴¹ Alimwi amuyeeye, eci citondeezyo eco ncotuli mu kubona, cakali citondeezyo ca mamanino eco Abrahamu a Sarah wakwe nco baka bona, katana boola mwana wa ka syomezegwa mu kubako. Tu la syoma tuli ku ora elyo.

⁴² I sikale, naka mana mulombe oyo kuzyalwa. Sa inga mwaezeezya Izaka, katandila myaka kkumi ayobile ya kukomena; mulombe muniini mubotu, ula masusu-avungene, ameso maniini asalaluka? Inga nda ezeezya nzila eyo banyina mboba kalimvwa; mukaintu mukubusyi weebeka, aboobo, a wisi wakwe. Alimwi buzuba bumwi, Leza wakati, lino, nkaambo ka mukonzyanyo; tuli kulaale, i ora no ceelede ku boola. “Nda kubamba yebo taata wazisi, kwiinda mu mwana

oyu, pele Ndi yanda nduwe kubweza mulombe oyu kuya atala a cilundu eco nce Njo kutondeezya, alimwi Ndi yanda nduwe kumujaya kutala kuya, kuba i cituuzyo.” Sa inga mwaezezya eco?

⁴³ Lino tona ku kulazigwa kuunka ku kusunkwa mbuli oko. Ta citi eco eno. Eyo yakali mikozyano, zimvule.

⁴⁴ Sena Abrahamu wakayoowa? Peepe, munene. Abrahamu wakaamba eci, “Ndili lamidwe cakumaninina kuti Uu la konzya ku mubusya kuzwa ku bafu, nkambo Nda kamutambula mbuli umwi kuzwa ku bafu. Alimwi kuti mulazyo oyo wa Leza wakandambila kucita eci, alimwi Nda kakkala bwini kuli ncico, alimwi cakaleta bulumbu, ku ndipa mebo mwana; Leza ulakonzya ku mubusya kuzwa ku bafu; kuzwa oko nku Nda kamutambula, mbuli i cikozyano.”

⁴⁵ Oh, ma, mweenzuma! Ikuti Leza wa kapa nywebo ba Pentekoste Muuya Uusalala, kwaambaula mu myaambo, kunji buti nko mweelede nywebo kusyoma ikuponya kwa nguzu Zyakwe, a bubotu Bakwe a luse! Ikuti na Wa ka cita eco, ikulwana boonse basilwiiyo lwa zybukombi mu cisi! Ba kaamba kuti ta cikonzeki kucitwa, pele Leza wa ka cicita nkaambo Wa ka cisyomezya. Nkabela kolibambila a Ntobolo yako, Ijwi lyako, Iceba lyako, syoma Ijwi lya Leza. Leza wa kaamba obo, nkabela eco cila cisitikizya!

⁴⁶ Amuzibe, lino, wa ka mutola mu lweendo lwa mazuba-otatwe kuzwa awo, antomwe a tumbongolo. Lino inga Nde enda, ciindi ni Nda kali ku kuwila, Nda keenda ma maile ali makumi otatwe buzuba a buzuba, kwiinda mu nkanda; alimwi twa kajisi mbuli matende abelesya mungwimba, mu kwaamba obo. Pele balo bantu, inzila buyo ya ceendelo cabo, yakali ya kweendela a kambongolo na—na kweenda. Nkabela wa keenda musinzo wa mazuba-otatwe kuzwa kubusena nkwa kabede, alimwi wa ka tambya meso akwe, kule mu nkanda, a kubona cilundu kulaale.

⁴⁷ Wa ka bweza Izaka a kwaanga maanza aakwe. Eco, nco tuzi toonse, mu Matalikilo 22 awa, ngu ciiminizyo ca Kristo. Wa ka musololela kuya atala a cilundu, kaangidwe, mbuli Jesu wa ka solelelwa atala a cilundu, Cilundu ca Kalivari; i ciiminizyo ca Leza kapa Mwana Wakwe, mubwini.

⁴⁸ Pele ciindi noba kasika kutala kuya, elyo wa ka swiilila, Izaka wa ka talika kubaanga nkuba a ku yeeyela. Wa kati, “Taata, zeezi awa inkuni, nceeci awa cipaililo, ngooyu awamulilo, pele cili kuli cituuzyo?”

⁴⁹ Alimwi Abrahamu, ikuti mukuziba mu muzeezo wakwe, nekuba Ijwi lya Leza kalili cintu cipati awo, wakati, “Mwana Wangu, Leza ulakonzya kuli bambila Lwakwe i cituuzyo.” Wa kaita i busena, “Jehova-Jire.”

50 Alimwi ciindi na kaanga mwana wakwe, wa ka swiilila mane do ku lufu; wa ka mulazika atala aa cipaililo, wa kakwela cifulo kuzwa mu cikanda, a kutalika i kujaya mwana wakwe mwini. Alimwi, ciindi naka cita, Cintucimwi caka jata janza lyakwe, a kwaamba, “Abrahamu, kolesya janza lyako.”

51 Alimwi kuzwa ciindi ciya, mugutu wa mbelele wakalila, kusule kwakwe, a meja akwe kapatide mu nkanda.

52 Sena mwaka sola ku yeeya, nkokuli oko mugutu wa mbelele nku waka zwida? Amuyeeye, i cisi cizwide balavu a baumpe a babwa bamusokwe, alimwi a banyama aba balya-mbelele. Alimwi ba kali kule buti kuzwa ku lusumpuko ndwakabede? Alimwi, mpawo, kutala atala aa cilundu, oko kutakwe maanzi. Alimwi wakali bwezede mabwe, koonse kuzunguluka, kuti a bambe cipaililo. Ino nkokuli oyo mugutu wa mbelele nkwaaka zwida? Mwabona?

53 Pele tii cakali cilengaano pe. Wa kajaya mugutu wa mbelele; wa kali jisi bulowa. Ino wa kaamba nzi? “Leza ula konzya kuli bambila Lwakwe cituuzyo.”

54 Mbututi *yebo* mboyo zwa mu cuuno eco? Mbututi *oyo* mwana uciswa kuyuminina mubili mbwa yookonzya kuba kabotu, *nayebo* ikuzwa mu cuuno eco, *yebo* kuzwa awo, *yebo* a penzi lya moyo? Kufumbwa makani aaliko, “Leza ulakonzya kuli bambila Lwakwe.”

55 Abrahamu wa ka cisyoma. I sikale wa kakala bwini ku lusyomo. Alimwi Wa kapa cisyomezyo, kuti, “Lunyungu Lwako! Nkaambo yebo wa syoma Ijwi Lyangu, alimwi takukwe makani a ciimo, lunyungu lwako luyooovuba mulyango wa sinkondo nyina.”

56 Nkaambonzi? Oonse sinkondo oyo uu boola, mbuli i cikonzyano, kulwana Abrahamu, Abra-. . . I sinkondo wa, “Uli cembeede loko. Ndili cembeede loko. Coonse *eci*, alimwi azintu zyoonse zimbi.” Wa kacili kkede ca bwini nkonya ku cisyomezyo eco.

57 Lino, muntu oyo ujisi lusyomo olo, uciyo bweza Ijwi lya Leza ka kutakwe makani a ziimo. Lino, ikuti tokonzyi kucita eco, nkokuti toli Lunyungu lwa Abrahamu. Olo ndo lusyomo Abrahamu ndwa ka jisi, Lunyungu lwakwe.

58 I cisyomezyo ca Abrahamu cakali cakuti “Lunyungu” lwakwe, lino Lunyungu lwakwe lwa bwami, alwalo, mbuli mbo Nda mwaambila kaindi kasyonto kainda. Alimwi eeci caando eco Nca kapa Abrahamu, ca kali caando ca cisyomezyo. Alimwi Lunyungu lwa bwami, kweendelana kuba Efeso 4:30, ngu “kwaandwa a Muuya Uusalala,” ni baka mana kuzunda sukusyo. Amusole ku yeeya kwa ncico.

59 Banji ba yeeya kuti ba jisi Muuya Uusalala. Banji bala taminina kuti bali jisi Muuya Uusalala. Banji inga ba konzya

kutondeezya zizibyo a zitondeezyo zya nguwo. Pele, nekuba, ikuti na taci konzyi iku kkala a Ijwi eli, tauli Muuya Uusalala pe. Mwabona?

⁶⁰ Yebo ula syoma Ijwi lyoonse, nkokuti wa kaandwa ni kwa kamana sunko. Ciindi twa syoma cisyomezyo coonse mu Ijwi, nkokuti twa kaandwa a Muuya, kutondeezya cisyomezyo. Eco nce, ngu eco Abrahamu, inzila nja kacicita. Nkabela, alimwi nkabela buyo, notuba anguzu i kuvuba mulyango wa sinkondo wesu. Yebo tokonzyi kucicita mane lutaanzi ube Lunyungu olo. Amuyeeye, mu Bbaibbele. . .

⁶¹ Nda kakanana ali ncico, ku Houston na ku busena bumwi, i kumbi. . . na, Ndaamba Dallas. *I Citondeezyo.*

⁶² Mwabona, i—imu Juda inga wa tondeezya, kunselelo mu Israeli, ikuti wakali mu Juda kwiinda mu bupalule. Pele Leza wa kaamba, “Ciindi Nda bona bulowa! Elyo bulowa buyo mubeda i citondeezyo.”

⁶³ I buumi obo bwakali mu bulowa tii bwa kali kukonzya ku boola aa mukombi, kaambo, ma, bwa kali buumi bwa munyama, cakali buyo civule ka ci boola ku Buumi bwini. Nkabela, cacimo meenda, i bulowa bwalo, bwa kaleelede kuba kusalala atala acitendele a zikunguzyo zya citendele.

⁶⁴ Bwa kabikwa a hisopo, obo bwa kali bwizu buyo buzizilwe, kutondeezya kuti yebo toelede kuba lyoonse a lusyomo lumwi lupati. Yebo weelede buyo kuba lyoonse a nci conya, i lusyomo ndo jisi, mbuli yebo noelede kulizya motokala wako, ku boola ku cikombelo. Mwabona? I bunji bwa bantu ba yeeya kuti baleelede kuba cintu cimwi. . . Pele, peepe, peepe, eco cili lubide. Lusyomo buyo luzizilwe ngu loonse ndoelede kuba alo kuti ubikke Bulowa. Komvwa Ijwi, a kusyoma Ijwi, ko Li bikka, ngo koonse. Kobweza buyo bwizu kufumbwa ku busena awo mu Palestine, kwa kali hisopo, i bwizu buniini buyo bwa kali kumena kuzwa mu lwaanzi lwa bulambo, a koonse, ba kanika mu bulowa bwabo a kubikka aa minsende a zikunguzyo zya citendele.

⁶⁵ Alimwi, amuyeeye, Ta ndikwe makani oko kunji nko ba kali mu cizuminano, oko kunji mu Juda mwa kali kukonzya kutondeezya kuti wa kapalulwa, obo mbwa kali muntu mubotu, cizuminano coonse caka bula nguzu cita kuti i—i citondeezyo cakaliko. “Cindi Nda bona bulowa,” bulike.

⁶⁶ Lino, i Bulowa lino, i Citondeezyo, ta ci li bupange, bupange bwa Bulowa ibwa Kristo, nkaambo Bwa katilwa zyuulu zinji zya myaka yakainda.

⁶⁷ Pele, nywebo mwabona, nkokuli i. . . kwa ka leelede kuba bupange awo, i buumi mu munyama tii bwaka konzya ku boola aa muntunsi, nkaambo i buumi bwa munyama tabu jisi buntu. Munyama tazi lwandaano lwa ciluleme a cilubide. Ngu muntunsi oyo uu jisi buntu.

⁶⁸ Lino, pele ciindi Jesu, Mwana wa Leza, wakazyalwa kwa-nakalindu, wakatila Bulowa Bwakwe, Buumi obo bwa kali mu Bulowa wakali Leza Lwakwe. I Bbaibbele lya kaamba, “Twa ka futulwa ku Buumi, i Bulowa bwa Leza.” Kutali bulowa bwa mu Juda, kutali bulowa bwa Munamasi; pele i Buumi bwa Leza. Leza wa kalenga eli seelo lya Bulowa, wakazyalwa kwa nakalindu. Ta na kazi mwaalumi, nekuba kuti wa ka . . . nekuba kuti iji tii lya kazwa kuli nguwe.

⁶⁹ Ndi lizi bunji bwanu no bantu ba yanda kusyoma ikuti iji lya kacita. I iji tali konzyi kuba kuya ka kutakwe kulimvwa, ino inga Leza ula cita nzi mpawo? Mwabona?

⁷⁰ Wa kalenga zyoonse i iji a seelo lya Bulowa, alimwi eco ca kali cilawo ca Leza, uusalala. “Nse ka lekeli Umwi Uusalala Wangu kubona kubola.” Mwabona oko iji nko lizwida? “Nekuba Nse kasiyi muuya Wakwe mu cikkalilo ca bafu.” Mubili wakwe wakali kusalala! Oh, ma! Yebo to, yebo tokonzyi kusyoma eco, mbobuti mbo konzya yebo kuliita lwako kuti uli Munakristo?

⁷¹ “Twa ka futulwa ku Bulowa bwa Leza.” Awo mpe mpawo lusyomo lwangu mpo lubede. I kutali kweenda awo mu bulowa bwa musinsimi, kutali kweenda awo mu bulowa bwa muntu sibuleya, na i mwiyyi, na silwiyyo wazyabukombi. Tu leenda awa mu Bulowa bwa Leza. Leza wakaamba obo. Wa kaba muntunsi. Wa kacinca cibaka Cakwe. Wa kavungulula tente Lyakwe awa, andiswe, elyo wa kaba umwi wandiswe. Ngu Sikamukowa Munununi wesu. Wa ka leelede kuba siluzuboma kuli ndiswe, nkaambo oyo wakali mulao. Leza wakaba muntu a kupona akati kesu.

⁷² Amuzibe nzila eco, mu kucita eci, Walo ka boola kuzwa kuli Nguwe, wakali Leza, i Muuya, a Muuya oyo uulaba aa musyomi. Aboobo, Buumi bwa kali mu Cituuzyo cesu, tu la lizibya a Buumi obo mbubonya.

⁷³ Nkabela mbobuti mbo ba konzya ku bona Buumi bwa Leza ka bweenda akati ka bantu, alimwi ba Ciita kuti ncintu citasalali, kakuli Eeco nce cizibyo cesu ca Cituuzyo cesu? “Oyo uu syoma aali Ndime, milimo eyo Nje cita uu yo cita awalo.” Buumi Bwakwe ka bweeda aa cituu- . . . kuzwa ku Cituuzyo, mbuli mbo tubikka maanza eesu aali Ncico a ku lizibya lwesu kuti tuli fwide ku miyeeyo yesu tobeni. Nkabela mbobuti mbotunga twa lekela tubungwe kututontela mu tuyanza a zintu, a kwaamba kuti tula Ci syoma? Tu li fwide ku zintu ezyo.

⁷⁴ Paulo wakati, “Kwiina kwa zintu ezi zindikataazya,” nkaambo wakali a ngilidwe ku cimaninizyo, Kristo. Alimwi kuzwidilila kuli koonse kulaangidwe ku cimaninizyo, a cimaninizyo cangu ngu Ijwi. A muntu oonse mbwabede, oyo—oyo wakazyalwa ncobeni ku Muuya, cimaninizyo cabo ngu Ijwi lya Leza. Ndili angidwe kuli Ncico. Nda ka bikka

maanza angu aali Ncico. Alimwi Ca kabweza busena bwangu, alimwi Nda lizibya lwangu aa Nguwe. Twa kalizi kuti Wa ka syomezya ku lizibya Lwakwe a ndiswe. Eco cileta lusyomo lwini; kutali lusyomo lwako omwini, pele lusyomo Lwakwe; cintu cimwi nco ta konzyi kweendelezya. Uu la cicita. Lino amubone. Mpawo, alimwi mpawo buyo, cindi i. . . i cisyomezyo caba mbwa kuli nduwe.

⁷⁵ Takukwe makani na mabungano aali ongaye ngoka zulilwamo, na nziindi zyangaye nzooka bapatizigwa; busyu kumbele, cakusalama, kufumbwa nzila njo yanda. Kusikila eco Caando ca bikkwa aali nduwe, elyo to jisi nguzu ku liita lwako kuti uuli swaangene a Cituuzyo cako.

⁷⁶ Alimwi ino Caando ca Leza ninzi? Baefeso 4:30, iilaamba, “Muta penzyi Muuya Uusalala wa Leza, kwiinda kuli nguwo nywebo mwakaandwa mane ku Buzuba bwa lununuko lwanu.” Kutali kuzwa ku lubukulusyomo lumwi kusika kuli lumbi, pele Cabutamani mwakaandwa mane ku Buzuba obo mbo muyo nununwa lubo.

⁷⁷ Alimwi, amuyeeye, ikuti na tono kali mu mizeezo ya Leza, takukwe noyooba a Leza. Mbangaye bazi kuti Wa kali munununi? [Mbunga yaamba, “Ameni.”—Mul.] Ma, mpawo, kufumbwa cintu cakanununwa cileelede ku jokela oko nko cakawida. Aboobo i kuti Wa ka boola kutunununa, mbobuti mbotukonzya, twakali cindi cimwi baka teeleda kunununwa, alimwi toonse twa “kazyalwa mu cibi, akubumbwa mu mulandu, twa ka boola ku nyika kwaambaula bubeji”? Ci tondeezya kuti Munakristo wini ngu bube bwa kuyeeya kwa Leza, kakuta naba i nyika, na nyenyeezi, na muuwo, na kufumbwa cintu cimbi. Ngu Butamani, alimwi Uu leelede ku tunununa lubo. Ngu muzeezo wa Leza, wa kaambwa mu ijwi, wali bonya a ku- . . . kujosegwa lubo ku muzeezo Wakwe.

⁷⁸ Sikamukowa Munununi! Aako nke kaambo Leza Lwakwe wa kalelede kuba umwi wesu, kuti anunune. Kunyina cintu cakali kukonzya kucicita. I Angelo tana kali kukonzya ku cicita, kunyina cintu cimbi. Wa ka leelede kuseluka ansi, kuti ansunkwe mbuli mbotusunkwa, kutunununa.

⁷⁹ Amuzibe lino lunyungu lwa buntunsi lwa Abrahamu. Atulange lumwi lunyungu olo lwa buntunsi, a ku bona kuti na Leza waka bamba Ijwi Lyakwe alunyungu lwa buntunsi, oyo wakali Izaka. Atu lange lunyungu lumwi lwa buntunsi olo lwaka syoma cisyomezyo cizwide ca Leza alimwi tii lwaka jisi mubuzyo. Lino amuyeeye, kwa kali makumi a zyuulu zya zyuulu zya kavuzigwa ezyo zya zyuulu zya bakapalulwa a zintu zyoonse zimbi, alimwi nokuba tii zyaka cili Lunyungu lwa Abrahamu. Masimpe, “Oyo uli mu Juda anze tali mu Juda pe; oyo uli mu Juda mukati.” Balo, bunji bwa mbabo, ba ka kakilwa, ba ka kakilwa maningi.

⁸⁰ Mulange, mu nkanda, bakati, “Tu...” I buzuba bwa Pasika, na kukunywa kukasensa, Musalali Johane 6. Ba kali kukkomana boonse.

⁸¹ Jesu wakati, “Ndime oyo Mwaala oyo wakali mu nkanda. Ndime i Chinkwa eeco cizwa kwa Leza, izwa ku Julu, ikuti na muntu wailya elyo takafwi.”

⁸² Ba kati, “Ba mataata esu ba kalya mana mu nkanda, kwa myaka makumi one.”

Wa kati, “Alimwi bali, muntu oonse, balifwide.”

⁸³ *Balifwide*, kobweza ijwi elyo a kuli tobela, a kubona elyo nco lyaamba, “Kwaandanisigwa kutamani.” Nekubaboobo, bakali ba lunyungu lwa Abrahamu. *Lufu* caamba “kwaandanisigwa, kutacibalimbi, kunyonyoonwa kumaninina, kutacibalimbi.” Jesu wa kaamba kuti bakali fwide, umwi oonse wa mbabo, nekubaboobo kuti ba kali Bajuda bapalwidwe.

⁸⁴ Mwabona, bantu bacete, nkaambo buyo kuti tuli Methodisti, Baptisti, Presbyteria, ujisi kuli lekelela ku syoonto, a zintu mbuli eco; dyabulosi ula syoma buya mbubonya bunji mbo tucita.

⁸⁵ Pele uleelede kuli zibya a Ncico. Leza uleelede kupa bumboni kuli Ncico, kwiinda mukubikka caando a Muuya Uusalala. Kwiina mubuzyo wa Ijwi!

⁸⁶ Ikuti yebo wati, “Ma, lino, eco cakali ca buzuba bumbi,” kuli cintu cimwi cilubide.

⁸⁷ Ino kuti muntu wa boola ka zuzana, alimwi wa mwaambila ikuti mumuni wali kumweka, mpoona wa zuza kuyaansi mu kaanda, wati, “Nda ukaka buyo. Nda ukaka buyo. Kwiina cintu cili mbuli ceeco mbuli mumuni. Ta ndi cisyomi pe”? Inga kunooli cintu cimwi cilubide a muntu oyo. Inga unoli ulinyongene mu mizeezo. Ikuti na wakaka mitunga zuba yawo iikasala alimwi a cintu cayo cipa-buumi, kuli cintu cimwi cilubide anguwe, mu mizeezo.

⁸⁸ Alimwi ciindi muntu abona Ijwi lya Leza, lya tondezegwa antangalala kumbele lyakwe, a kuzibwa, alimwi mpawo wa jala a kulosya zisitilizyo zyakwe zya kabungwe, kuli cintu cimwi cilubide a muntu ooyo, kumuuya. Cintu cimwi cili lubide anguwe. Kuli cintu cimwi cilubide kumuuya. Ta konzyi biyo ku Ci tambula. “Uli ofweede, alimwi ta cizi pe,” ula zumanana kuya ku Lubeta, alimwi Leza uyoba mubetesi.

⁸⁹ Amuzibe cindi noba—noba cita eci, a basilunyungu abo baka Ci syoma, amulange eco caka citika. Atu lingule bamwi ba baabo ino, lunyungu lwa Abrahamu.

⁹⁰ Atu bweze bana Bahebrayo, nkambo ba kaima cabwini alimwi tii ba kalekela bukombi-bwacikozyano. Ba kakaka

ku kotamina cikozyano eco mwami wa cisi nca kapangide. Ca kapangwa kukozya muntu uusalala, akwalo, cikozyano ca Daniele.

⁹¹ Ca ka tondeezya kuti mukowa wa Bamasi wa ka njizigwa kungsi kwa lubazu lwa bubeji, lwa kukomba cikozyano i ca muntu uusalala. Cilazwa mu nzila njiyonya, ciindi bantu nobayo sungilizigwa kukomba zikozyano zya bantu. Ci la njila kwiinda mu ciyubunuzyo, ca Daniele mbwa kali kukonzya kupandulula i Ijwi, ayo ca ka lembedwe aa malembo ku bulambo. Eyo nje nzila mbo ci njila, alimwi eyo nje nzila mbo cizwa, nzila njiyonya, ya cikozyano ca Munamasi.

⁹² Amuzibe, ba kakaka ku cicita. Eelyo ncenzi nco baka cita? Ba kali lunyungu lwa Abrahamu kabaimvwi bwini ku Ijwi, elyo ba kavuba mulyango wa sinkondo, wa mulilo. Ba ka cicita. Ma, Ijwi lya Leza ndya bwini.

⁹³ Daniele, wa ka sunkwa nkaambo ka bukombi bwa Leza omwe wabwini. Wa ka sunkwa nkaambo ka ceeco. Alimwi mu ciindi caku sunko, waka zunda ku sunko. Alimwi ino Leza wa ka cita nzi, nicaka mana ku boneka mbuli kuti uli mu ciimo cabuyumuyumu, mbuli mbo tunga twaamba? Alimwi taakwe niba kazi caku cita. Ba kali kuya kuku musanizya ku mulavu. Pele Daniele waka kkala bwini kusunko, ikuti kuli Leza omwe wa bwini, elyo wa kavuba mulyango wa sinkondo nyina. Leza wakali jalide mulomo wa mulavu.

⁹⁴ Musa wa ka kkala bwini ku jwi lya kasyomezegwa, kunembo lya basikulikozyanisya ba bubeji, Jambre aba Jane, mu sunko. Mulange, Leza wakali muswanganye, acigambyo ciinda, wa ka mwaambila kwiinka a kucita zintu eezi, kutondeezya zintu eezi, alimwi citondeezyo coonse inga ci yooba a jwi. Musa wa kanka nkoonya kunselelo, ca bwini buyo mbubonya mbuli mbwa kazi. Wa kasowa ansi kasamu, nkabela kaka sandulwa kuba nzoka. Yebo ulizi eco caka citika? Mbaaba ba boola basikulikonzyanisya alimwi ba kacita cintu nciconya.

⁹⁵ Lino, Musa tana kafusa maanza aakwe mu julu, kwaamba, “Ma, Ndi yeeya kuti coonse cili lubide.” Wa ka kkala awo a kulindila aali Leza. Wa ka kkala ca bwini. Takukwe makani obo bunji basikulikonzyanisya ba kaliko, wa ka kkala ca bwini. Alimwi ciindi naka kkala ca bwini kukutumwa kwakwe, i kugwisya bantu abo mu busena obo. Cindi mulyango wa meenda niwa kaima mu nzila yakwe, Leza waka mulekela kuuvuba, elyo Wa kajula mulyango kwiinda ku Musumpululu wa Mulilo oyo wa kali kumu sololela. Wa katola bantu ku nyika ya cisyomezyo.

⁹⁶ Joshua, musololi umbi mupati. Bobilo buyo kuzwa ku... ba kanka ku nyika ya cisyomezyo, Joshua a Kalebi. Ba kasika ku busena butegwa Kadesi, obo bwakali busena bupati bwa

nyika ku ciindi eco, obo bwakali buyo mbuli cuuno ca lubeta. Alimwi, oh, ba katuma basiku twela bali kkumi mu balili ku yootwela nyika, alimwi kkumi mubabili babo ba ka jokela.

⁹⁷ Kkumi lya baabo bakati, “Oh, ngo mulimo mupati loko. Ta tukonzyi buyo kucicita. Ma, balo bantu, tuboneka mbuli cisozi mumsi lyabo.”

⁹⁸ Pele ino Joshua wakacita nzi? Wa kaumuzya bantu. Wa kati, “Amulindile asyoonto. Tu la konzya loko kwiibweza, tacikwe makani obo mbotuli bace, na obo mbotuli mu busyoonto.” Ino wakali kucita nzi? Wa kaliimvwi ca bwini ku cisyomezyo eco, “Nda mu pa nyika eyi,” pele nywebo amu lwanine kabeela koonse ka njiyo.

⁹⁹ Sena ula syoma eco, baama? Leza wakupa kuponesegwa kwako, pele muyo lwanina kabeela koonse ka nkuko. “Busena boonse indyato zya matende anu mpoziyo lyata, eyo Nda mupa nywebo ku lukono.” *Manoamatende* caamba “lukono.” Nji yanu yoonse, cisyomezyo coonse nci cako, pele muyo lwanina kabeela ka nzila yoonse mukati eno.

¹⁰⁰ Lino, Joshua wa kalizi eco Leza nca kaamba. Wa kali lunyungu lwa Abrahamu. Mwabona? Wa kati, “Nda syoma eco, kuti Leza wa katupa i nyika, alimwi tu la konzya loko kwiibweza.” Alimwi nkaambo wa kazunda sunko, kulwana nkamu yoonse yaba Israyeli, mikowa yoonse alimwi bantu boonse ba koomoka a kulila. Joshua wa kati, “Amuumune! Leza wa ka bamba cisyomezyo.”

¹⁰¹ Takukwe makani obo mboli mupati, alimwi eco cilwana mbo cibede, alimwi eco dokotela ncaamba, Leza wakapa cisyomezyo. Cili kuli Leza kucicita.

¹⁰² Ino waka cita nzi? Cindi na kaselemuka ku mulonga wa Jordano, wakavuba mulyango. Eeco ncecico nca—nca kacita.

¹⁰³ Jeriko, wa kali jalilidwe mbuli nondo mu cipapa. Ino wa kacita nzi? Wa kavuba mulyango.

¹⁰⁴ Akwalo buzuba bumwi ciindi sinkondo nyina nakali kusola ku mutola, wakavuba mulyango wa sinkondo nyina loko cakuti waka lailila i zuba kwiima. Alimwi i zuba lyaka mu swiilila, alimwi tii lya zungulukakwa maora aali makkumi obile-aone.

¹⁰⁵ Leza uli bwini kucisyomezyo Cakwe, tacikwe makani eco Nca elede kucita; kulobya Majulu katana Ku lekela Ijwi Lyakwe kutiinga lizundwe. Kwiina naka panga cisyomezyo eco Nca takonzyi kubamba. “Ndime Mwami uuponya malwazi aanu oonse. I kuti na babikka maanza aa balwazi, bayo pona.” Amen. “I kuti na ula konzya kusyoma, zintu zyoonse zila konzeka.”

¹⁰⁶ Joshua wa ka cisyoma, nekuba kuti Leza waka imikizya nyika kuzwa ku kuzungulika. Wa kii jata awo kwiinda mu Nguzu zimwi zimbi, nguzu Zyakwe Mwini; cakuti i

nyika taakwe niyaka zyunguluka kwa maora ali makkumi obile-aone, kusikila Joshua wa kaliya nkonto lwakwe aali sinkondo nyina. Wa ka bweza milyango. Ncamasimpe, wa kacita. Leza lyoonse uli bwini.

¹⁰⁷ Lino Ndi lombozya kuti no twa li jisi ciindi iku jana basintaze bambi, pele Ndi jisi maminiti aatandila ku kkumi eno. Mulange, boonse aba basintaze bayandisi, mbuli mbuba kabede, alimwi basilumamba bapati ba lusyomo, boonse ba kafwa ku mulyango wa lufu. Ba ka nyonyooka boonse, mponya mulyango walufu.

¹⁰⁸ Nkabela kwa ka boola i Lunyungu lwa Bwami lwa Abrahamu. Ba kali lunyungu lwa buntunsi boonse, kuzwa kuli Izaka. Pele awa kwa boola Lunyungu lwa Bwami lwa Abrahamu, oyo wa kali Kristo, Lunyungu lwa lusyomo lwa Abrahamu; obo mbo tweelede kuba, amubone buyo nzila na mbo tubede na pe. I lunyungu lwa buntunsi cakali ciiminizyo buyo. Boonse bambi baka zyalwa ku kuzyalwa kwabuntunsi, pele Ula boola akuzyalwa kwa nakalindu. Mwabona, olo tii lwa kali lunyungu lwa Abrahamu, mpawo, mu Juda. Wa kaboola kwiinda mu lunyungu lwa lusyomo lwa cisyomezyo. Alimwi, mpawo, tu leelede kuba bana Bakwe, kwiinda mu Muntu oyo.

¹⁰⁹ Amulange eco Nca ka cita. Cindi Na kali ansi, Wa kazunda a kuvuba mulyango oonse sinkondo ngwa ka jisi; Lunyungu lwa Bwami. Wa ka cisyomezya i kwiinda mu Ijwi. Wa ka cizunda. Wa ka zunda mulyango wa bulwazi, nkaambo ka ndiswe. Eeco necico Nca boolela kucita. Wa, amuyeeeye, bantu baciswa, Wa ka zunda mulyango oyo. Yebo to elede ku cizunda; Wa ka cizunda. I bantu bambi ba ka zunda mulyango wabo beni. Pele yebo to eleede kuzunda pe; cizundidwe kale. Wa ka zunda milyango ya kuciswa. Alimwi ino ncinzi Nca ka cita ciindi Na kazunda milyango ya kuciswa, kaamba kuti inga Uyo cita? “Kufumbwa nco mwalomba ansi, alimwi kufumbwa eco nco mwaanga ansi, inga Uyo caanga ku Julu,” iku tupa zijaluzyo ku mulyango.

¹¹⁰ Wa ka zunda mulyango waku tepaulwa, kwiinda ku Ijwi. Alimwi zijaluzyo zya kali kuti, “Mu mukazye sinkondo, nkabela uyo tija kuzwa kuli ndinywe.” Wa ka cizunda coonse; wa ka zunda kuciswa koonse.

¹¹¹ Wa ka zunda lufu, alimwi Wa ka zunda gehena. Wa ka zunda lufu a gehena. Wa ka zunda eco bamwi ncoba taka konzya kuzunda, nkaambo ba kali ba lunyungu lwa buntunsi. Olu ngo Lunyungu lwa kumuuya. Wa ka zunda mulyango wa cuumbwe, elyo wa ka buka buzuba bwatatu, kuku lulamikwa kwesu.

¹¹² “Alimwi eno tuli basikuzunda ba yinda.” Tuli buyo kweenda moonya muli ncico, mbuli lukono, “Basikuzunda ba yinda.” Lino tuli muku beleka a sinkondo wa kazundwa.

Bulwazi buli zundidwe. Lufu luli zundidwe. Gehena ili zundidwe. Zintu zyoonse zili zundidwe. Oh, ma! Nda lombozya ni Nda li kubili musela wangu, lino ndiza Ndili mvwa bubili kuba kabotu. Tuli muku kazyanya a sinkondo waka zundwa.

¹¹³ Tacigambyi Paulo wa kaamba, ciindi niba kali kumu bezela cisamu caku jailwa, ikuti ba kosole mutwe wakwe, wa kati, “O lufu, luli kuli lumoola lwako? Ndi tondeezye awo mpo konzya kundyusya bweeme akukwiila. Cuumbwe, kuuli kuli kuzunda kwako, alimwi yebo uyeeya kuti uyo ndi tilimuna awo? Ndi yo kutondekela kuli cimwi citako cintu kutala awo; alimwi Ndi li muli Nguwe, Uyo ndibusya mebo ku buzuba bwa mamanino.” Sinkondo uuzundidwe!

¹¹⁴ I Lunyungu lwa Bwami lwa Abrahamu! Lino, lunyungu lwa buntunsi tii lwaka konzya kutondeka kuli Eco. Pele Lunyungu lwa Bwami lula konzya kuzunda, lwa kazunda kale, nkaambo Wa inka kunembo lyesu aku zunda mulyango oonse nkaambo ka ndiswe. Mpali eno, kwamana myaka iili zyuulu zyobile, Uu liimvwi akati ka ndiswe, Sikuzunda singuzu. Kutali buyo kuti Wa ka zunda bulwazi... Wa ka zunda bulwazi. Wa kazunda sunko. Wa ka zunda sinkondo oonse. Wa ka zunda lufu. Wa ka zunda gehena. Wa ka zunda cuumbwe, a kubuka lubo. Alimwi myaka iili zyuulu zyobile niyakamana, mpawa Uu liimvwi akati kesu, masakati aya, kalizibya Lwakwe, Sikuzunda singuzu! Amen. Uu cili ano, muumi, katondeezya cisyomezyo Cakwe, Lunyungu lwa Bwami lwa Abrahamu! Oh, ma! Alimwi sinkondo uyo...

¹¹⁵ “Uyo zunda milyango ya sinkondo nyina.” Kuli baabo, Lunyungu, Uli imvwi awa kali muumi kutondeezya Lwakwe kuli ni? Basilunyungu abo kakanzwa abobakonzya kuci bona. Wakazunda eco. Nguni, nikwaka mana sunko lyakwe, lya cisyomezyo ca Ijwi, baka bikkwa caando a Muuya Uusalala, mu Mubili wa Kristo, kuli mbabo caka tondeezya (nzi?) Bahebrayo 13:8 kuba boobo. Bala bikkwa caando muya a Muuya Uusalala, oyo Muuya Uusalala wakali ku... Abrahamu waka cibona kumbele; ku lusyomo waka cisyoma. Alimwi eno tula Ci tambula, kulanga musule kucisyomezyo eco Nca kaamba. Alimwi Johane 14:12 ya tondeezegwa mu mazuba aya amamanino, kwiinda kuli Sikuzunda waka buka, Lwakwe.

¹¹⁶ Kutali cilengwa cimwi; pele i Muntu, Kristo, Sikuzunda. Kutali mbungano yangu, kutali mbungano yangu ya Baptisti, na Presbyteria yako, Methodisti, na Pentekoste, kutali kuli eco; pele kuli Jesu Kristo. Ula pona sunu. Wa ka buka atala ali ceeco, ku kululamikwa kwesu.

¹¹⁷ Alimwi nkaambo Ula pona, Wa kaamba kuti tula pona a swebo. “Muntu taponene ku cinkwa celikke, pele ku Ijwi lyoonse,” kutali cibeela ca Ijwi, “Ijwi lyoonse elyo lizwa ku mulomo wa Leza.” “Ndime Bubuke a Buumi. Oyo usyoma muli

Ndime, nokuba kuti wakali fwide, eno uyopona. Kufumbwa muntu upona a kusyoma muli Ndime kwiina naya kufwa. Mula syoma eeci na?" Amubweze mulyango oonse wa sinkondo!

¹¹⁸ Mbubuti mbwakali nookonzyakuzunda Bosworth, ciindi Leza... Bosworth wakali muli Sikuzunda. Alimwi aako nke kaambo nca kaamba, "I ora bbotu kwiinda lya buumi bwangu ndi eno." Uh-huh. Wa ka limuzi oyo Singuzu Sikuzunda. I kanzambwene kakwe kakakkede a Nguwe. Oh, ma! Lino inga twa yimba:

Mukupona, Wakandiyanda mebo; mukufwa,
Wakandifutula mebo;
Mukuzikwa, Waka tola zibi zyangu kulaale;
Mukubuka, Wakalulamika ca buyo lyoonse;
Buzubabumwi Ula boola, O buzuba bulemu!

¹¹⁹ Kuli baabo ba boneka kuba kuzundwa. Eddy Perronet, Nda syoma kuti wakali nguwe, taaka konzya kusambala nyimbo zyakwe zya Bunakristo. Kunyina muntu wakali kuzi yanda. Tii ba ka jisi cintu nociba comwe caku cita a ncico. Oh, kuzundwa, alimwi musyomi! Buzuba bumwi, i Muuya Uusalala waboola ali nguwe. I mulyango wa sinkondo nyina, oyo wata kakonzya kutambula mabbuku akwe! I Muuya waka muuma, nkabela waka jata peni, Leza waka mulekela kulemba lwiimbo lwa kuzibya.

Boonse amulemeke nguzu zya Zina lya Jesu!
Amuleke Baangelo balemeke cakufugama;
Kuleta musyini wa bwami,
Aku Musamikamusyini Mwami wa boonse.

¹²⁰ Moofu Fanny Crosby, ciindi cimwi. Kaamba, "Ino caamba nzi kuli nduwe?" Bamwi... Tana kasambala bupati bwakwe mbuli muna Pentekoste Elvis Presley mbwa kacita, na mbuli Boone wa mbungano-ya-Kristo mbwakacita, na mbuli Red Folley mbwa kacita, ku sambala zipego zyabo ku nyika; bali jisi milongo ya ma Cadillac, ama milioni-amadollar, bulunguluzi bwakuzwidilila ku jana zilumbo. Pele Fanny Crosby waka kkala ca bwini ku busena bwakwe. Wa ka kwiila;

Utandiindi mebo, O Mufutuli mubotu,
Komvwa kulila kwangu kubombede;
Kuciindi Yebo noli mukwiita bamwi,
Uuta ndiindilili mebo.

Nduwe Kalonga ka kuumbulizigwa kwangu
koonse,
Ikwiinda buumi kuli ndime,
Nguni Ngwe jisi ansi kunze lya Nduwe?
Na nguni ku Julu pele Nduwe?

¹²¹ Ba kaamba, "Ino kuti wakali moofu ciindi wakusika ku Julu?"

Wa kati, “Ndi yo Muziba, kuli koonse.”

Kati, “Mbobuti mboyo Mu ziba?”

Kati, “Ndi yo Mu ziba.”

Kati, “Muka. Crosby, inga yebo wapanga ma milioni aama dollar.”

Wa kati, “Ta ndiyandi ma million aama dollar.”

122 “Mbo buti yebo mboyo Mu ziba?” Wa kati:

Ndi yo Mu ziba, Ndi yo Mu ziba,
Alimwi nda kanununwa ku bbazu Lwakwe
Ndi yoima;
Ndi yo Mu ziba, Ndi yo Mu ziba.

123 “Ikuti Nsi konzyi ku Mu bona, Ndi yoampa nkambo ka nembe zya mpikili mu maanza Akwe.” Wa ka zunda mu lyango wa sinkondo nyina. Inzya.

124 Ikuti na uli muli Kristo! Wa kati, “I kuti na mwa kkalilila muli Ndime, a Majwi Angu ala kkalilila muli ndinywe; amulombe eco cijaluzyo nco muyanda, amulombe oyo mulyango ngo muyanda kubweza; amulombe eco nco muyanda, nkabela ciyo pegwa kuli ndinywe. Ikuti na mwa kkalilila muli Ndime, a Ijwi Lyangu lila kalilila muli ndinywe, nywebo muyo kozya kubweza mulyango wa sinkondo uuli oonse ooyo uboola kumbele lyanu.” Muli Lunyungu lwa bwami lwa Abrahamu.

125 Ino musyobo nzi wa mulyango wiimvwi kunembo lyako? Ikuti na mbulwazi, nduwe sikuzunda wiinda kuli ncico. Nkabela inga twaamba, koimba lwiimbo olu lwakaindi lwa luzyalo:

Cisyomezyo coonse mu Bbuku nciangu,
Chapita yoonse, kampango koonse...a
Buleza loko,
Ndili mukusyoma mu luyando Lwakwe lwa
Buleza,
Nkaambo cisyomezyo coonse mu Bbuku
nciangu.

126 Tu li basikuzunda ba yinda, alimwi Lunyugu lwa Abrahamu luyo vuba mulyango wa sinkondo! Cindi ne baamba kuti ezi Zintu tazi konzyi kucitika, ciindi noba yanda ku Ci ita kuti ngu dyabulosi, na Bezebule, na cintu cimwi cimbi, Leza uli masimpe kuzunda mulyango oonse akubweza sinkondo.

Atu kombe.

127 Mwami, ndilomba kuti i Lunyungu lwa Abrahamu... Ndi lizi bala Ci bona, Mwami. Mbobuti inga Ijwi liya lyawa kakunyina kuuma alya a Busena bwini? Nda lombamba kuti bayo cimwisya lino. Ndi lombamba kuti muntu oonse uu boola mu mundando wa kukombelwa a ponesegwe.

128 Mwami, ikuti na kucili bamwi mukati awa, abo i batana bamba kuli lekelele kwabo, ba tana ima kumeso abantu a baka yiminina Kristo, kuli bambila kukaka tuyaniza toonse a zintu zitontola, zya tunsiyansiya, zifwide ezyo zyaka bagwisya kuzwa kuli Nduwe. Elyo ndalomba kuti baime eno, akwaamba, “Ndi la Mu tambula kuba Mufutuli wangu.” Nkabela Uuyo baiminina ku Buzuba obo.

129 No tu kotamikide mitwe yesu, ikuti na kuli baabo banga bayanda kwiimikila kwa kaindi kaniini buyo, ku mupailo, kwaamba, “Ndi yanda ku Mwii minina lino, i kutegwa Uyo ndiiminina mebo ku Buzuba obo, mu Busyu Bwakwe bwa Buleza.” Nda kulomba, aku kupa ciindi kuti i zina lyako libikkwe a Bbuku lya Buumi, ikutina inga waima. Ta ndili mukuku lombamba kuti unjile cikombelo cili coonse pe. Ndi kulomba kuti uboole kuli Kristo, ikuti na uli waano nkabela tona Mu ziba pe.

130 Leza aku leleke, mwana. Sena kuli umbi, waamba, “Ndi—Ndi yanda kwiima eno.” Leza akuleleke, mulindu. Leza aku leleke, mucizi wangu. “Ndi yanda...” Leza aku leleke yebo. Leza aku leleke yebo. “Nda bweza kwiima kwangu, masikati ano.” Aba bantu babotu, baalumi abanakazi, baimvwi, “Nda baamba muzeezo, masikati ano.”

131 Alimwi buzuba obo dokotela aamba, “Ma, mulwazi maningi; bulowa bwakwe buli mukutika, lufu luli aa mulombwana, na aa mukaintu.” Nanka, kuseeni kumwi, uyo yeeya kwiima kwako. Ko Mwiiminina eno.

132 “Ikuti na wafwa nsoni kuli Ndime kunembo lya muntu, Njo fwa nsoni kuli nduwe kunembo lya Taata Wangu a Baangelo basalala. Pele ikuti uyo ndizumina Mebo kumbele lya muntu, walo Ndi yo muzumina kunembo lya Taata Wangu a Baangelo basalala.”

133 Leza aku leleke, mucizi wangu. Sena inga kwaba bamwi mu bbalukkoni abusena bumwi? Ndi lyonya eno, kumwi notu lindila. Bamwi ba baabo, i banji a cibuye cipati? Kuli kabotu. Ndi yo syoma jwi lyako, mweenzuma.

134 Ikuti Ijwi lya wida mu Busena buli a munzuka, mbuli mwanakazi muniini ku cikala, wa—wa ka mvwisya. Wa ka imininwa ku Julu, kuzwa kumata... kakuta naba ntalisyo ya nyika. Cindi Mumuni oyo ni Wa kacuumu, wa ka Ci ziba.

135 Leza aku leleke, mukwesu wangu. Ooyo ngu sicamba... Leza aku leleke, mukwesu wangu. Yebo ndiza inga waka cita zintu zipati mu buumi bwako; uli muku cita cintu cipati loko eco nco kasola kucita, eno, mwiiminine Kristo.

136 Taata Wesu Ulikujulu, i mbuto yawida mubulongo bumwi, masikati ano. Twa bona Buumi uli muku libonya. Baalumi a banakazi baima amatende abo, alimwi i liso

libona-koonse lya Leza, Oyo uliko koonse, uzizyoonse, ujisinguzzyoonse, uli ba bwene. Mbi Bako, Taata. Nda batuula kuli Nduwe eno, mbuli zilumbo.

¹³⁷ Nda lomba luzibo olo lwabo kwiimikila awo eno, mukuziba eco nco bakacita, mukuziba eco eci nco caamba, kuti baima kubweza kwiima kwabo a basyoonto basampaulwa ba Mwami. Nda lomba babe lyoonse kuba bwini mane Buzuba obo no bayoima mu Busyu Bwako, nkabela elyo Jwi liyandisi liyoamba, “Iiyi, buzuba bumwi mu Baton Rouge, na kasena kaniini kategwa Denham Springs, waka ndiiminina Mebo, Taata, eno Ndi la mwiiminina mulombwana, na mukaintu.” Kocipa, Mwami. Mbi Bako, mu Zina lya Jesu. Amenii.

Leza aku leleke, nkambo ka kwiima kwako. Leza lyoonse. . .

¹³⁸ Lino ndi citile cintu eci comwe. Kojana, ikuti uli mumbali abusena aba beembezi nko babede, babone basyoonto, ambaula kuli mbabo. Ikuti na tona bapatizigwa, mu lubapatizyo lwa Bunakristo, cita boobo. Koli sanganya akati ka basyomi eno, basyomi beni, ikutali ba basyomi-balikozyanisya; basyomi beni.

Ciindi notuli mukukomba, atu kombele tu tambala otu.

¹³⁹ Taata Ulikujulu, otu tutambala tula mwaika eno; busena, Ta ndi zi. Ndiza umwi taata moofu mudaala ukkede anze awa mu busena bumwi bwa cilobe, kalindila katambala aaka kuti ka boole; kavwanda kaniini kalilede awo aabulo mu cibbadela; i mutumbu kaimvwi, kalila cakuyoowa, kalindila kubweeda kwa katambala. Taata Ulikujulu, Nda komba kuti Uyoinka a ntutonya. Alimwi nkaambo ka citondeezyo ca Busyu Bwako sunu, alusyomo lwesu muli Nduwe mbuli mbu twa kambauka Ijwi Lyako, ndalomba lusyomo olo lwakali muli Abrahamu, alusyomo olo lwaka zyalwa a lwaka pegwa kuli ndiswe kwiinda muli Jesu Kristo, ndalomba lwiinke antomwe a tutambala otu aku ponya muntu oonse oyo uyo bikwa. Twa tutuma, mu Zina lya Jesu. Amenii.

¹⁴⁰ Lino kwa kaindi kaniini buyo, katu tana kwiita mundando wa mipailo. Uujisinguzu zyoonse alimwi a Leza singuzu, Umwi mupati, Umwi ujisi-zyoonse. . . Kaka, beenzuma, Ndi—Ndi yo talika ku kombela baciswa, alimwi Ndi. . . Ambweni, ciindi twa boola ansi, ndiza inga Tii—Tii ndakonzya kwaamba cintu kuli nduwe; bamwi banu inga bainka kumbele aciindi eco. Kufumbwa na nduwe ni, ikuti na toima akwalo, kaindi kaniini kainda, alimwi yebo toli masimpe. . .

¹⁴¹ Ikuti na uli cizo ca mbungano, eeco ncintu cibotu, pele eeco tacili cibotu loko. Mwabona, mweendelezi mu kubusyi muvubi wakali cizo ca mbungano. Mwabona? Waka buzya Jesu eco nca kukonzya kucita kuba a Buumi Butamani. Ta kukwe naka Butambula. Wa ka takata. Ncintu ca bufubafuba ku mwaalumi

oyo mukubusyi kucita. Uta bwezi busena bwakwe. Nywebo mula yeeya ciindi ca mamanino na ka lizibya? Nikwaka mana asyoonto, waka sumpuka. Wa ka vuba maningi. Wa ka sika kubu sena mane akwalo matala akwe aka fwasuka. Pele mpawo tu jana kulizibya kwakwe kwa mamanino, mu gehena, mabanga a mulilo kaamupezya. Uta, uta lekele eco kucitika kuli nduwe. Tambula Kristo.

¹⁴² Nywebo no bantu bakubusyi, nywebo no basimbi bakubusyi, balombe bakubusyi, a kucinca buyo kwa buumi, ikaka amucite eco. Amundi swiilile, mbuli—mbuli munyoko wanu, umwi oyo umuyanda. Ndili wano nkaambo Ndi la muyanda. Nda muyanda Leza, alimwi Nda muyanda nywebo, alimwi ta Ndi konzyi kuyanda Leza kuti tii Nda muyanda nywebo.

¹⁴³ Inga nda sala kunji, ikuti ne mwali jisi kaambo ka kwaamba, a mukaambe ku mwana wangu uli anze awa, na umwi wa bana bangu. Amu ndileke buyo...Njo, Njo unka kacitako. Muzyali uli oonse uyocita eco; mbubonya a Leza. Mwabona? Koyanda bantu Bakwe. Amuyandane umwi aumwi.

¹⁴⁴ Yebo wati, “Ino uba tapatilila nzi?” Luyando lwini nkululamikwa.

¹⁴⁵ Ikuti mwana wako uli kkede anze muka zila; yebo wati, “Ma, ngooyo Junior ulikkede. Ta elede kucita eco, pele ta Ndi yandi kucisa kulimvwa kwakwe kuniini.” Yebo tomu yandi pe. Uyo jaigwa awo. Ikuti na ula muyanda, uyo mu njizya a kumuuma kuti a subuke. Uyo mu cita kuti aswiilila.

¹⁴⁶ Eeyo nje nzila Leza nja cita. Luyando nku lulamika, alimwi olo ngu luyando lwini.

¹⁴⁷ Cindi mukambausi aima aku lekela ndinywe no banakazi kugela masusu anu, alimwi aku lipenta azintu, elyo ta mululamiki nywebo, kwiina luyando lwini awo; elyo tako lailila kuti cilesegwe. Alimwi kulekela nduwe mwaalumi kukwata ziindi zyo tatwe nanka zyone, azyoonse zintu eezi zimbi, aku zumanana a ncico, kwiina luyando lwini awo. Kumu lekela ku njila cikombelo, aku kuumauma kusule lyako, alimwi aku kuvumba a kansiyansiya kamwi, mpawo, “Eeco ngu koonse nkoeelede kucita, nku njila cikombelo cisalala,” kwiina luyando awo. Na, kumwi, i muntu uli sweekede loko caku maninina, lwakwe, taboni pe.

¹⁴⁸ Luyando lwini nku lulamikwa, alimwi lu ku leta kujoka ku Ijwi lya Leza.

¹⁴⁹ Mulange aali Jesu, nzila, eco Nca kaamba, nkambo Wa ka bayanda, loko cakuti Wa kafwa mu busena bwabo, cindi akwalo niba kali kwiitila Bulowa Bwakwe.

¹⁵⁰ Lino ndalomba Muuya Uusalala mupati...Ndi yanda kulindila buyo kwakaindi kaniini. Ndili muku lindila mane

bunanike bwa Muuya Uusalala bube ali ndime, katutana kutalika. Nda li kukambauka. Nda mulumba, nkaambo ka kubeleka kwanu antoomwe.

¹⁵¹ Lino, umwi aumwi mukati muno, kufumbwa awo mpo bedede, a busena buli boonse mu buyake, kopaila kwa kaindi kaniini, koamba, “Mwami Jesu, kondi gwasya! Ko ndi gwasya! Ndi lekele ndigume cikobela Cako.” Jesu wakati, nywebo mulizi, cindi mwanakazi na kaguma cikobela Cakwe, taakwe Naka cimvwa, kunyama, pele Waka zyanguluka koonse alimwi wakalizi kuti na wa kalini aceeco ncakacita. Ngu Jesu nguwenya masikati ano, Mupaizi Mupati ukonzya ku gumwa ku kulengauka kwesu.

¹⁵² Sena mula syoma, umwi aumwi wanu eno, kuti cili bwini, kuti Leza waka bamba cisyomezyo eci, a lubo (alimwi A ci tondeezya) kuti tuli mukupona mu mazuba a kwa Sodoma? Mbangaye basyoma eco, mu buyake, konyamuna buyo janza lyako mu julu.

¹⁵³ Tuli mukupona, mbuli mbu cakabede, mu Sodoma. I cilegwa coonse caba cisofweede, cilegwa ca nyika, zintu zyoonse, cilegwa ca mbungano, cilegwa ca tunzenyu. Kunyina cintu. Tunzenyu tuli bijile loko. I zilengwa, kubusena boonse, beendelezi basikaangila besu, coonse cili bijile. I mbungano yaba mu nzila njiyonya. Mikwasyi yaba mu nzila njiyonya. Ngu bubi buyo, Sodoma!

¹⁵⁴ Nkabela, amuyeeye, Leza uli cijisi eco kumbele lyanu, nkabela amuyeeye Wa kaamba kuti inga Uyo liiminina Lwakwe mu mubili wa buntu, a kuti inga uyo cita mbuli Mbwa kacita kumbele lya Sodomu, Mwana wa cisyomezyo katana boola aa cicitikilo. Wa ka syomezya kutuma umwi ooyo unga uyo solola Mwana oyo wa cisyomezyo, mbuli Mbwa ka cita ku busena butaanzi, oyo uya kuzibya; alimwi Wa kati, “Cindi Mwana wa muntu nali muku yubunumwa.”

¹⁵⁵ Ta ndi kuzi yebo. Ma, Muka. Thompson, elyo penzi lya bukaintu a buyumuyumu bwa kusilikwa, sena ula syoma kuti Leza inga wa kuponya? Sa yebo inga wacisyoma? Yebo ulacita? Muka., Muka. Thomas, ula syoma kuti Uyo kuponya? Kotambika maanza ako mu julu, mpawo.

¹⁵⁶ Kuli mulindu ukkede nku konya kusule lyako. Uli muku komba. Ujisi coondamazwi.

¹⁵⁷ Umwi ukkede nkukonya munsu lyakwe, ngu penzi lya mwida, ulimu kukomba awalo. Yebo uyo cisweekelwa, tola ngilili pe. Yebo tozwi kuno. Yebo uzwa ku Mississippi. Ndiywe Ba. alimwi a Muka. Kramer. Ikuti namula syoma a moyo wanu oonse, Jesu Kristo uyo kuponya yebo. Ikuti yebo wakonzya ku cisyoma. Sena ula cita? Nkokuti yebo inga mwa citambula. Kabotu. Kotambika maanza ako kutegwa bantu babone kuti nduwe.

158 Ta ndi bazi balo bantu. Ta ndi na babwene pe, mubuumi bwangu. Uu leelede kusyoma, mweenzuma. Uli muku lizibya Lwakwe. Sena ula cisyoma eco, a moyo wako oonse? [Mbunga yaamba, “Ameni.”—Mul.]

159 Nkaambonzi wa zunganya mutwe wako, munene, alimwi akulanga kuli ndime mbuli obo? Iiyi, munene. Nkaambo yebo wacita eco, Ndi yo kanana kuli nduwe kwa kaindi kaniini. Uli ubaanga mulombwana waka komena ukkede mponya awa, ulangide ali ndime. Wa langa aali ndime, a kusiniza kuli boobu. Wa cisyoma. Uli muku kombela muntu umwi ujisi kulebukilwa. Pele—pele cintu cako cipati ncokombela, uu yanda, uli mu ku yanda lubapatizyo lwa Muuya Uusalala. Eco cili luleme. Uh-huh. Eco cili luleme. Ikuti wa cisyoma! I mulindu, yebo uyandaula ncito. Kunze lya ceeco, kutegwa yebo uzibe ikuti Mebo ndibe musinsimi wa Leza, na mulanda, wali kujisi kupandulwa kobile. Kwa kusiila kubaanga wa kompama. Misyobo yoonse ya ziimo, penzi lya kumuuya. Ndi yanda ku kwaambila kuti coonse ca bambwa. Lusyomo lwako lwa kuponya.

160 [Kabeela katakwecintu aa teepu—Mul.] . . . ukkede mponya muni lyako awo. Uuli mukukomba. Langa awa. Wa kumvwa, nkabela wa Muguma. Ta ndi kuzi, pesi Uu li kuzi. Ndi la kwaambila eco nco wali ku kombela. Ula syoma a moyo wako oonse? Yebo ujisi penzi lya mululwe, uuli muku komba. Sena ula syoma kuti Leza ula kuponya alimwi aku kubamba kabotu? Nduwe Muka. Smith. Eeco cililuleme. Kotambika janza lyako.

161 Mwabona, Uli mukulizibya Lwakwe. Ino ncenzi? Ngu Lunyungu lwa Abrahamu, i lusyomo olo Abrahamu ndwa kajisi, Mwami Jesu Kristo aakati kesu, katondezzya Ijwi Lyakwe, a zitondezyo kazitobela.

162 Nguni, ali ongaye makkadi aa yeledde ku kombelwa, amutambike maanza aanu, ujisi kkadi lyako? Oh, ncibotu twa talika mundando wa mipailo.

163 Nywebo mwabona, mu lamvwisya embo na? Lino muuya oyo kutali buyo. . . Eco ta ciponyi. Eco ci Mu zibya buyo kuba wano. Beembezi banu bali jisi buyo bwami mbubonya bwaku kombela baciswa. Ta ba citi eco; peepe, tabaciti ncobeni. Pele ba—pele ba lijisi buyo bwami mbubonya, “Ezi zitondezyo ziyo batobela basyomi.”

164 Lino Ndi yanda beenzuma bangu beembezi awa. [Mukwesu Branham wabuzya muntumwi, “Sa cili kabotu kwiita kuzwa kunkamu ya bantu, bakutausi?”—Mul.]

165 Mbangaye beembezi awa bazumina a moyo wanu oonse, bakutausi mukati muno, bazumina? Oh, nda mulumba. Ndi lomba kuti inga mwaima? Amuboole awa, amwiime a ndime kwa kaindi kaniini, mponya ansi awa, amu kombele baciswa. Amuboole mponya ansi awa. Lino amulange kuponesegwa kutola busena, amulange eco cicitika.

¹⁶⁶ Ndi yanda kuti mu boole, mupange i-i mundando wabubili mponya awa. Ndili muku boola ansi awo kwa kaindi kaniini buyo, ku kombela baciswa. Ndi yanda beembezi bazumina abo bayanda kulizibya lwabo mbuli basyomi. Kutu, ula zumina, kutu ku boola kwako awa, yebo uu pona buumi, busalala bululeme. Amuyeeye, mu langisye awa eco cili mukuzwa, kwiiminina Makani mabotu aa Kristo!

¹⁶⁷ Mukwesu Blair, Ndi likuzi yebo awo, yebo na Mukwesu Pat. Inga mwa panga mundando wabubili nzila eyo mbo mu cicita kanjikanji, ikuti na inga mwacita, yebo a Mukwesu Pat.

¹⁶⁸ Beembezi bazumina aabo bayo zumina! Lino, mulange, ikuti Leza wakonzya kulizibya loko Lwakwe kwinda mu Ijwi Lyakwe, a Ijwi Lyakwe, mbangaye bazi kuti Bbaibbele, Jesu wa kaamba eci, “Ezi zitondeyo ziyo batobela balo basyoma. Ikuti babikka maanza abo aa baciswa, ba yo pona?” Beembezi, nywebo mwaboola kulizibya lwanu mbuli basyomi. Sa mbomubede? Mu libasyomi (embo na?), inga kamu tano imvwi awa. Lino ncinzi Jesu nca kaamba? “Ezi zitondezyo ziyo batobela abo basyoma.” Ndili musyomi antomwe a ndinywe.

¹⁶⁹ Ndili muku seluka. Aabo mbantu besu, alimwi tuli basikwembela balanga matanga aya. Ndili muku seluka kuti ndi zambulule kanyandi kangu andinwe eno, kubika maanza ngu antoomwe aenu. Alimwi ciindi bantu aba ba boola kwiinda, ikuti ko jisi kufumbwa cintu ecoo cizumbauzya buyo ciniini mumuzeezo wako, ko cigwisya ndyoonya eno; kutegwa bantu aaba ba boola kwiinda, mpawo umwi aumwi wabo kaboola kwiinda, alimwi twa bikka maanza ali mbabo, bayo ponesegwa. Sena mula syoma a moyo wanu oonse eno, muntu oonse? [I bakutausi baamba, “Ameni.”—Mul.]

¹⁷⁰ Mbangaye mu no bano kombela bamwi ciindi banoyinda mukati, tambika janza lyako, “Ndi no komba.”

¹⁷¹ Amuyeeye, ndiza mba uso bako, banyoko bako, mwanamusimbi wako, nanka mulombe, mucizi nanka munyoko. Ikuti na tacili cako, nca muntumwi, oyo uyo boola kwiinda mu mundando oyu. Alimwi ino kuti nibali mbabo, alimwi bali mukunyonyoka a kkulenge, na bulwazi bumwi busisidwe, sa inga toyanda muntu kuti abe uu sinizizye kapati? Cilimasimpe, inga twa yanda.

¹⁷² Lino, Nda syoma, mbobuti yebo mbo ya. . . Lino aba mu muncali *oyu* awa, mwakwiinda omu, amwiime kuya kuyaama lubazu *olo*, a kkadi lya mipailo. Amwiime kuyaama lubazu *olo*, boonse abo bali mu monya mu busena. Lino, i nzila, jata cibeela ca lumwesi; inga twa syankana toonse, nywebo mwabona, alimwi nywebo ta muzi nzila, eco ncotuli mukucita. Kuli kabotu, boonse abo bali mu busena *obu*, amwiime *awa*. Lino, boonse bali mu busena bwa janza-lyalulyo, amuboole buyo ku nzila eyi, nkaambo mu yo selukila ansi, kamuboola kuzyunguluka.

173 Alimwi mbobuti mbo yoinka, mbobuti mbo bayoozwa, Mukwesu Borders? Mponya anze ku mulyango wa ku lubazu, kamu zyunguluka nkukonya a mu buyake lubo.

174 Aboobo, ciindi lubazu *olu* lwa yitwa, mu maminiti masyoonto, alimwi bayoima. Alimwi atubone eno eco... Kuli kabotu, boonse bali mubusena *obu*, amu cebuke kulubazu *olu* awa. Amujatilile ku ma kkadi anu aamipailo, kamuya kuya kulubazu *olu*. Alimwi nywebo nomuli mu bbalukkoni, amuseluke nkukonya kuti mu ba swaanganye ku mamanino a muncali kumbele awo. Lino aba mubusena bwa janza-lyalumwesi, kamuya ku lubazu lya janza-lyalumwesi. Alimwi mpawo, nywebo mwabona, amupange mundando wanu akujokela ku nzila *eyo*; mulange musule, munyone ku nzila *eyo*. Mwabona? Alimwi muyo tobela mundando ku zyungulika, mpawo tatukooba akusangana kuli koonse.

175 Alimwi mpawo nywebo atala mu bbalukkoni, amu bambe buyo masena anu mwakwiinda mu monya, alimwi amu selemuke buyo mbuli mbo ba boola kwiinda mukati.

176 Lino, lino amutalike buyo kuzumanana kweenda kusule, umwi aumwi, kuzyungulika kooku mane muka swaangane mundando oyu kuzunguluka mponya *awa*. Amu boole buyo kuzunguluka mponya, kutala mukati *awa*, amutalike buyo kweenda kuzunguluka a ku boola ku mundando oyu mponya *awa*.

177 Oh, cikonzya ku citika ndyonya eno! Cikonzya ku citika! Eci cilaba ciindi awo cintu cimwi no ceelede ku citika. Kuli kabotu.

178 Lino, eco cililuleme, amujokele kuzunguluka nzila *eyo*, a ku njila monya mu mundando, mbuli obo. Kamuya nkonya kuzunguluka mwakwiinda omu. Eyo nje nzila lino.

179 Alimwi lino cindi mwano yimvwi, muntu oonse aa matende aakwe, tu yo pa mupailo. Alimwi mbunga eyi i yo komba andime, kuti mu yo ba kabotu. Amube a lusyomo buyo lino. Alimwi muta . . .

180 Ka mu boola nkukonya kunze kusule, kamu zumanana ku boola kuzyungulika, amuboole kuzyunguluka a ku swaangana aa mundando oyu kusule awa. Ka muboola kuzyunguluka, mupange mundando omwe mupati. Ka muboola kuzyunguluka nzila *eyo*, aku panga mundando omwe. Mbo ceelede.

181 Muntu oonse amube mu mupailo. Amube mu lusyomo ncobeni lino. Mutaboni buyo nkamu yabantu eno. Amuyeeye, tuli—tuli vumbilidwe a Busyu bwa Jesu Kristo, kulangilila ali ndiswe kuli eco Nca cita akati kesu, kwiinda mukuba a lusyomo mu Ijwi Lyakwe.

182 Eeco cili kabotu. Lino ciyooaba kabotu buyo. Ndi yeeya kuti mundando oyo uli muku njila buyo kabotu.

183 Lino ciindi boonse nobaimvwi, Ndi yanda muntu oonse lino, mu buyake, ku kotamika mutwe wako.

184 Mwami Jesu, cili afwaafwi kucitika. Imuzeezo uleelede kubambwa ndilyona eno. Sena tula syoma kuti Uli ano? Sena tula kuyanda Yebo? Sa tuli jisi lusyomo, Mwami, lunji nkaambo ka ceeco nce tuyo lomba? Aaba bantu bali muku lizibya lwabo kwiinda mukwiimikila mu mundando. Mwami, ndalomba citabi muli cabuyo. Nda lomba cibe, Mwami, kuti bainde kwiinda awa, umwi aumwi uyoinde buyo mbuli kuti bali kwiinda kungsi a Kristo, nkaambo tulizi Uli ano. Alimwi twa lomba kuti bayo tambula kuponesegwa kwabo. Ndili masimpe kuti akwalo mvwiki amvwiki zici boola, bantu aba bano yoinka ku beembezi babo, banakazi aabo bakajisi penzi lya bwanakazi, penzi lyamwida, mwaalumi uli a kulebuka, misyobo yoonse ya mapenzi, bayo bambwa kuba kabotu, kabaamba, “Yebo ulizi, i cintu cazwaa kundileka,” nkaambo bali mu Busyu Bwako. Nda lomba ba boole kwiinda eno a—a aku kwela eci eco Yebo ncooka fwida. Mba Lunyungu lwa Abrahamu, alimwi Wa kaba zundila. Nda lomba ba boole a kutambula eco Yebo ncooka bapa.

185 Alimwi, Saatani, yebo wayubununwa loko mvwiki eyi, kusikila yebo ulizi kuti uli cilenge cizundidwe. Jesu Kristo waka ku zunda ku Kalivali. Wa ka buka ku buzuba bwatatu, ku kululamikwa kwesu, alimwi Ulii mvwi akati kesu lino. Alimwi lusyomo lwesu lulanga kuli Nguwe, alimwi kuzwa kuli nguwe nanka kufumbwa cintu eco ncooka cita. Baleke bantu aba, mu Zina lya Jesu Kristo.

186 Kuli kabotu, amutalike mundando. [Mukwesu Branham abakutausi babikka maanza ali baciswa akukombela umwi aumwi mu mundando wa mipailo. Kabeela katakwecintu aa teepu—Mul.]

187 Twa cita mbubonya mbuli Simalela esu mbwa tulailila kucita. Mbangaye banu abo baina kwiinda mu mundando oyo, i basyoma kuti muyooba kabotu, tambika janza lyako. Nda swaanganya lyangu a ndinywe.


188 Eco nco tuli muku cita awa, kumamanino, mbuli nkamu ya bakutausi awo; bunji bwabo bakali cisidwe, Nda licizi, pele bali muku sola kubikka nguzu zyabo kunjizya mbunga yabo, nanka banjila na pe. Aabo basikwembela beni. Alimwi Muuya Uusalala waamba kuli ndime, “Bacite kuti baswaanganye maanza antoomwe umwi aumwi.” Twa kwela myoyo yesu atunyandi antoomwe, amipailo yesu, antoomwe.

189 Jesu, babambe kuba kabotu, abalo. Alimwi babambe beembezi bayumu, bayumu mu Ijwi lya Mwami.

190 Nda lomba Leza, bakwesu bangu, ndalomba Amupe nywebo kuyanda koonse kwa moyo wanu. Nda lomba nywebo mu Mu belekele mazuba oonse, akuba anguzu zya Leza mu

maumi aanu, kukutauka ku nkamu eyi mbotu ya bantu. Nda lomba Jesu Kristo, Oyu wali andiswe, alimwi uli a ndinywe ciindi coonse, nda lomba kuti Ali bambe Lwakwe ku libonya kapati kuli ndinywe i kwiinda Mbwa kabede lyoonse.

¹⁹¹ Nywebo no bantu, bamwi banu bali batyokede, nywebo inga tii mwabona lwaandano kwa kaindi kaniini, nywebo inga tii mwabona lwaandano. Mulange eco Abrahamu nca kacita. Ta cipangi lwaandano luli loonse eco; eeco citali ncoli mukulanga. Yebo tolangi a zitondezyo zyako. Langa ali ceeco Ncakaamba. Ikuti waamba, “Ndi cimvwa kucisa,” eco taci jisi a cintu nociceya caku cita a ncico. Yebo wacita eco Leza nca kaamba kucita. Mwabona, mutalangi kuli eco. Mulange kuli eco Nca kaamba. Leza wa kaamba kuti cakali boobo! Nda cisyoma. Sa mulasyoma? [Mbunga yaamba, “Ameni.”—Mul.] A moyo wangu woonse, Nda cisyoma.

¹⁹² I Mwami Leza amu leleke mane Ndi ka mubone alimwi. Mipailo yangu nja ndinywe; i busiku tabusiya loko pe, imvula taiwi canguzu loko. Ndi noyomu kombela. Nywebo kamundi kombela. Kusikila tu kaswaangane alimwi, Leza amu leleke. Lino mukwesu uyembela, mwabona. 

I KUVUBA MULYANGO WA SINKONDO KWAMANA SUKUSYO TNG64-0322
(Possessing The Gate Of The Enemy After Trial)

Oyu Mulumbe aa Mukwesu William Marrion Branham, wakakambaukwa lutaanzi mi Chikuwa mu Nsondo isikati, Miyoba 22, 1964, ku Denham Springs High School mu Denham Springs Louisiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisiyacintu mu Chikuwa. Obu busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2015 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org